

Građanska energija

Klimatske promjene

- ◆ Mapiranje potencijalnih građanskih inicijativa
- ◆ Edukacija „Građanska energija“
- ◆ Coaching za građanske inicijative
- ◆ Panel konferencije „Građanska energija“



- ◆ Mapa puta za izradu SECAP-a
- ◆ Position paper „Energetska i klimatska politika BiH do 2030“
- ◆ Seminar „Energetska i klimatska politika“

U ovom izdanju

STR 2

DRIN Fojnica - prva solarna građanska inicijativa Bosne i Hercegovine

STR 3

Projekat „MEMO (Moja Energija – Moja Općina)“

STR 4

Međunarodna konferencija
“Dobra energija i ekonomija:
Transformacija lokalnih zajednica
kroz saradnju energetske zadruge i
lokalnih vlasti”

Moja energija Moja općina

NEWSLETTER br. 1



Regionalni centar za obrazovanje i informisanje iz održivog razvoja za Jugoistočnu Evropu (REIC) je u oktobru 2018. godine pokrenuo prvu građansku inicijativu za solarnu energiju u Bosni i Hercegovini. Inicijativa je bila bazirana na konceptu crowdfunding, tj. grupnog finansiranja (oblik finansiranja projekata iz izvora prikupljenih novčanih sredstava od velikog broja ljudi). Ovo inicijativom je prikupljeno skoro 50.000 KM. Odziv zainteresovanih je bio i viši od planiranog, što je pokazatelj da je prva građanska inicijativa bila izuzetna uspješna kampanja. Podršku projektu su također dali UNDP BiH, Njemačka ambasada u BiH i Finance in motion.

Prikupljeni iznos će biti u potpunosti investiran za kupovinu i postavljanje solarnih kolektora u Zavodu za zbrinjavanje metalno invalidnih lica – DRIN u Fojnici. Tender za izvođače radova je objavljen u proljeće 2019. godine te se u narednom period očekuje instalacija solarnih kolektora.

DRIN Fojnica
– prva
solarna
građanska
inicijativa
Bosne i
Hercegovine



PROJEKAT „MEMO (MOJA ENERGIJA – MOJA OPĆINA)“

Regionalni centar za obrazovanje i informisanje iz održivog razvoja za Jugoistočnu Evropu (REIC) u saradnji sa njemačkom Fondacijom Heinrich Böll provodi projekat „**MEMO (Moja Energija – Moja Općina)**“ kojim se promoviše koncept građanske energije. Projekat je fokusiran na donosiocima odluka na različitim nivoima vlasti (državni, entitetski, kantonalni, općinski) sa posebnim osvrtom na nadolazeće EU energetske i klimatske politike za period poslije 2020. godine.

Kroz projekat će se informisati šira javnost o mogućnostima osnivanja i finansiranja inicijativa za građansku energiju kroz različite modele. Sa ovom idejom vodiljom, projektni tim će u Sarajevu 25. juna 2019. godine organizovati edukaciju „**Građanska energija**“ za predstavnike odabranih lokalnih zajednica.

Edukacija će se realizovati po metodi brainstorminga gdje će se nastojati identificirati nove i/ili unaprijediti postojeće inicijative za građansku energiju. U narednoj fazi projekta će se za odabrane građanske inicijative raditi tzv. coaching, odnosno stvariti ključni preduslovi da se pokrene građanska inicijativa.

MEMO je projekat koji predstavlja program podrške budućim inicijatorima građanske energije u cilju kreiranja održive i stabilne lokalne zajednice.

**Dirk Vansintjan,
predsjednik ResCoop-a,
je tokom konferencije
istakao da bi Europljani
trebali "zgrabiti priliku
koja im se pruža te
napraviti novi
demokratsniji balansa
između lokalne i
globalne ekonomije i to
u korist građana".**



MEĐUNARODNA KONFERENCIJA "DOBRA ENERGIJA I EKONOMIJA: TRANSFORMACIJA LOKALNIH ZAJEDNICA KROZ SARADNJU ENERGETSKIH ZADRUGA I LOKALNIH VLASTI" ODRŽANA U ZAGREBU

Fokus konferencije su bili novi ekonomski modeli i prakse iz EU koji pokazuju načine na koje energetske zadruge i druge građanske inicijative saraduju sa lokalnim vlastima (uključujući gradove i općine) u realizaciji projekata obnovljivih izvora energije i koje benefite donose lokalnoj zajednici. Regionalni centar za obrazovanje i informisanje iz održivog razvoja za Jugoistočnu Evropu (REIC) je u sklopu projekta "MeMo: Moja energija - Moja općina" učestvovao u panel diskusiji "Primjer dobre prakse". Tokom nekoliko interaktivnih sesija učesnici su razmijenili misli i ideje. Konferenciji su prisustvovali vodeći stručnjaci iz područja obnovljivih izvora energije, solidarne ekonomije, klimatskih promjena i energetske zadruge.

Treći dan konferencije je rezervisan za 6. Generalnu skupštinu Evropske federacije energetske zadruge koja okuplja preko 1.500 članica. Organizatori konferencije su Zelena energetska zadruge (ZEZ), REScoop.EU (Evropska federacija zadruge za obnovljive izvore energije), Zmag-Reciklirano imanje i Ripess Europe (Solidarna ekonomija Evrope).